



墨巢集

蘭水謝焜

甲戌雲笈艸

○○萬石山賦有小敘

萬石山者張聘君紹和之所
居也先生多攜壺榼畢集風

騷焜每從坐隅。獲與眺詠。屢
授簡使焜賦之。焜才安下中。
體媿麗淫。信毫觸口。酬其賞
譽。非有意於藏傳也。

黃輿無邊。山與山連。名者三伯。
支者三千。鳥翮熊耳。金井銅泉。

突兀霄漢。吐納風煙。蹟以人耀。
景因情妍。三宮二室之奧處。九
向四合之絕巔。雲霞未妙。水木
難全。何況分福地之少許。具仙
閭之一偏。左長右缺。有巖無淵。
昔歎臥游之有術。今訝迴眺之

從篇青葉白花。八桂林之誇大。
寶壇金闕。三神山之虛玄。猗歟
茲山。近南郊而不淺。勢層累而
愈超。體紆徐而漸衍。目涉多奇。
足到皆選。覺凸凹之無窮。苦鎔
綜之莫辯。欣山色之日佳。卜地

靈之時顯。尋水精而入微。覓氣
挾而得雋。險列席而不驚。欹因
梢而遂踐。其超俗則身踞木而
爲巢。其蘊美則蠶抱絲而在繭。
請循步而引興。將布景而陳言。
初窺叢薄。繼越疎樊。夷盤作磴。

茂樹環門。種紅蕖而實野水。蒔
綠菜而飭芳園。掃榆錢於夾道。
牽蘿帶於修垣。懸階次第以高
陟。平岍穩帖而疾奔。觀離垢之
有象。識纖埃之不存。自此叩玄
關。而通地穴。恍若造化境。而躡

天根。前爲僧寮。後卽寺內。簷宏
敞。而交飛。堂蕭朗。而無礙。屏小
乘。而不入。儼大雄。而自在。意蘂
長榮。心燈不晦。寶磬新懸。華幢
夙賚。怪石恬身。而可跌。奇花異
色。而弗對。素壁玲瓏。幽房曖昧。

闌屈曲而隨流。渠清淺而作匯。
泉非竹而非絲。塘有一而堪再。
樂清音之肖璈。喜巧濺之成琲。
况乃澄泓築院。枕漱標亭。綠蒲
茁闕。紫蓼穿櫺。來戲茗之翡翠。
過點水之蜻蜓。既浴德而不滓。

兼洗耳而加馨。又有苔痕上屐。
花影在庭。開白室而繼志。修紫
壇而繪形。文當千歲。人已伯齡。
娛松陰而不化。飽煙液而有靈。
旋謀登山。俄及度嶺。亂葉翠複。
斑莓繡炳。石戶蹤高。石牀夢冷。

大屏端居。羣嵐遠逞。搔首欲問
於重蒼。送目難周。於萬頃。從屏
而降。竹姹花嬌。緩步以去。路轉
崕遙。窺層洞之極廓。指古碾以
相招。屋宇合度。戶牖勻昭。晨游
而紺霞未散。夜坐而青鳥忽條。

悵隙封而路迷。幸磴盡而得出。
不使石簣之見天。常逢腹笥之
曬日。外立壇位。內闢巢居。清宵
禮斗。白晝攤書。誰能涉世。此可
步虛。渡小橋而未竟。畫岐路而
返初。管日采藥之大谿邊。捕魚

之小穴口。瓊實分其二。三絳英
得其八九。事紀勝游。書鐫法手。
固景物之娛人。亦點畫之延壽。
於斯回復。相與徜徉。仰長梧而
浥冷露。邇小苑而聞異香。懷修
文之益。爰拜舒節之遺裝。丞以

蘭藉。佐以椒漿。雲巒靚其伯疊。
煙水澹於一方。爾其綠蘚殊紋。
玄礪各質。臺迎遠風。山靜斜日。
導曲塢以采真。循峭壁之躋實。
艸蹊欲合。石罅將黏。虛中意豁。
倒出脈潛。流於稍溢。水哉何廉。

青霜喻碧。紺雪比甜。聳榻捐流。
黃之簞。穹門卻集翠之簾。鑿石
而窺。嵌磴可憇。天蒸所成。雲深
自閉。履石徑之修危。防蹶足之
無計。穴透天通。蒙開氣霽。園卉
將蕪。山花未藝。踏碧滑而神搖。

攀紫險而色厲。又有洞似榴房。
垂如瓜蒂。紉曦蚤郁。挂月夕麗。
登山以來。此誠絕詣。埃斥蝸枯。
舩舸鳥逝。四顧齊收。一覽無際。
隨雲歸洞。從塢按階。慈航正幅。
鬼掛神排。踞名藍之絕頂。運巨

浸之長潭。牀臨一水。池開三面。波紋細浮。流珠暗濺。牀邊徑斜。石表亭見。吸雲氣則茅葛改容。攬煙光則荆關染卷。又有坦土濯濯。蕭齋潭潭。隔絕林外。鬱葱山南。醉石之情甚快。夢松之趣。

正酣身爲玄晏。宅鄰瞿曇。抱道而處。觀心何慚。灑廣庭而清吟。依古樹而坦腹。候鳥羣啼。晴花四馥。前限夷曠之區。中植扶疎之木。愛吾之廬。碩人之軸。徑出庭左。與竹相當。且巡修檻。旣立。

空廊賞春風於澗晦聽夜雨於
瀟湘把臂罕遇製冠未遑將斯
廊之漸高別有構以相接背倚
翠屏面臨黛葉曉露浮英朝陽
炙麝幽苾供縷清芬動頰又自
此而登峭乃琢石而爲層信杖

頭而輒逢冶蘂恣展齒而不畏
僵藤磴級殆盡牕几足凭覩石
虬之忽現戢雲翼而未騰自有
頭角漸去鋒稜資湛源以漱潤
跨黯壑以待澄平林以西大石
直上其頂如弁其趾爲壤嘗任

畱連洵堪頹仰。土毛方除。雲根
畢露。卑峻有倫。穠纖叶數。列之
稱林。分之爲具。兩石相顧。碩大
且長。最上有凹。欲渡成梁。想昔
五芝。燥而研屑。伯英萃而擣糧。
玄棗剝而克餌。紫梨碎而凝霜。

和盤煉藥。兩肘藏方。昇仙杳如。
幽洞寂若。捫仞崖而斷梯。還丈
室而停膜。白雲相挑。頽葩自落。
壁立無氛。形完不鑿。安世在此。
迎鸞意期於焉。招鶴栽以庾嶺。
之榦。綴以羅浮之萼。老穉交橫。

紅素間鎔。低籬一帶。古茗數株。
煑以雪液。淪此琳腴。盧仝七椀。
之所羨。陸羽三沸之所需。招隱
迴牆。蜚遞取道。玄所有肩。慧業
尚葆。瑠車竹馬之英。嚴寄錦生
花之豔。藻起龜墳而自怡。笑夜

臺而丕老。買山後隱。古人所譏。
賣文可就。此願丕違。南山之節。
彌固。北海之遞。原肥束帛未受。
蒲輪空歸。晚年有此超邁。逸興
加以過飛。千里來筒。四方報札。
艸求幼安。隸出香察。丞相羽人

之雅。蒼右軍太傅之奇拔。或釘
門楣。或泐山北。步兵聞嘯之韻。
康樂來游之詩。画屏堆積。粉堵
紛披。况以画熊車至。則心乎愛。
安鳩杖來。則舊所知珍。羞伯種。
醺醪千卮。存爲佳話。副以綺詞。

款客餘工。閉門多暇。金壺之汁
未乾。青鏤之管。豈俗羅列菓蔬。
品騰桑柘。劉龔之筆。弗傳嵇含
之志。失價慕龐公之攜耕。耘嗤
尚平之待婚嫁。文明丹穴。有遺
青丘。八公欲適吾之適。四皓猶

墨
集
卅十三
憂人之憂閒談二不可暫說三
宜休在阿矢其寤寐羣石恐不
點頭

○ 村興

絕無峰比門前峰更少松如屋
內松書學蝸牛勞秃筆行隨麋
鹿費長筇每看鳥爪常搔背忽
遇雲根自肅容俗外相通非俗
物送茶貽墨使重重

久雨

一裘一葛炎涼天葛腐披裘亦
可憐身是鯁生游積水家同蝸

舍寄清川雲淡恍訝羣山走泥
合空愁細艸眠借問曜靈何日
出願將長久與周旋

舟次用唐句起二絕

半夜月明潮自來。大魚鼓鬣動
江隈。郡城枕裡丁丁漏。何似煙

波夢正回。

用劉

滄句起

舟次之二

雞犬圖書共一船。沙寒水碧晝
安眠。蒼頭釣起蝦如栗。古瓦盆
中滋味鮮。

用李義山句起

龜光

抱朴靈方枉著書。煙霞疾痼煙霞除。忽然曠野行無際。陡絕尖山接太虛。白石白沙雲外路。黃橙黃菊水邊居。荆關多染龜光老。如此龜光染不如。

甲戌藥笈艸

竹

紛節相催秀出羣。瀟西渭北數竿分。空廊寂寂堆青靄。頽壁羅羅拂翠雲。歲暮有三堪作友。世間無二可稱君。幽人自此添清福。苦薺名香讀古文。

蕉

白日長如煙雨初。每當煙雨又
何如。空中淨綠無人掃。最上蔚
藍近帝居。不憚龜毫貪界紙。還
憐曉黛罷臨書。迎風滴露芳心
冷。深閉衡門任卷舒。

柳

垂垂濯濯迴埃塵。媚眼修眉隱
映新。碧浪青煙頻送客。曉風殘
月更撩人。依稀元亮籬間影。想
像靈和殿下身。舊蓄鵝谿如雪
絹。還將翠汁寫形神。

苔

半畝城居半似田。雨痕煙跡蔓
金連。尋芳路仄常啼滑。拾翠庭
寒盡。畏顛修士空猜成。貝錦貧
兒暴喜足。青錢式閤下。屋年來
罕不礙。轅塵不用蠲。

艸

王孫與我有何情。弱卉空隨淑
氣榮。路近池塘藍雨合。門疎車
馬綠煙平。閒求縱筆看蛇入。漫
展芳心待鳩鳴。墨醉詩狂無矩
步。新教屐齒作徐行。

張大夫祠

白室無塵山之上。紫貝爲壇雲
爲帳。雪際長松雨後峰。來照異
人煙霞相。煙霞骨相軒冕身身
居軒冕情放浪。當年一葉釣溪
南。今日丘壑更酣暢。此中丘壑

天下無怪石。峭絕神所鏤。清泉
冷絕天所蓄。香艸豔絕地所敷。
俗人誰敢居絕境。應屬聘君與
大夫。聘君珍重處。與出大夫蟬
蛻得與失。總之有力萬卷書。南
喬北梓何甲乙。前有文章後有

人。明。有。禮。樂。幽。有。神。席。有。玉。鎮。
脊。有。藉。堂。有。浩。倡。瓊。有。醇。桃。有。
紅。紛。梅。有。萼。苔。有。綠。錢。竹。有。筠。
共。歎。聘。君。能。養。志。迎。祀。大。夫。山。
欲。春。春。露。龜。霜。歲。月。久。古。木。加。
陰。石。加。黝。玄。子。來。孫。蘋。藻。供。羣。
戲。水。心。與。洞。口。非。海。非。田。人。託。
山。山。亦。託。人。以。不。朽。

甲戌雪筴艸

○ 用晦艸堂觀梅花用主人
招集韻二章

野館寒更月上時。夢思飛去繞

南枝。冰心玉骨求同調。細雨清
霜促雅期。誰許廣平先作賦。莫
教水部獨傳詩。近前應有返魂
在。爲乞瓊漿灑百卮。

觀梅之二

明璫好句照千人。正值花開點

染新物外素。交消粉氣風前玉
樹。散香鱗羅浮幻出殘暉夜。庾
嶺分來欲雪辰。只此空庭疎影
裡。清歌綺語不沾塵。

雲笈艸賦一晉詩五晉

藥笈艸詩六晉

雪笈艸詩二首

墨巢集

乙亥雲笈艸

蘭水謝

焜

初春紹和先生招上萬石

山

正月四日天初曉叩門驚起竹

牕身八行彩牋錦囊封數字招
上天半峰籃輿直到石戶裡豔
艸收煙苔散綺二三游人旣坐
定談及峰頭皆發興徵君引客
幾重花客與徵君滿面霞通幽
造極忘飢渴不念羊脯與胡麻

漸次壺榼洞口出至珍至美雜
芳華羣笑而起酒酣矣相送壁
絕與厓斜晚見前山聳新綠青
帝設色自不俗及出山門門外
路返照微黃亦可欲書生每歲
守宮牆今年欣快異平常一快

水石之氣潔。二快艸木之味香。
三快魚鳥之性悅。四快談吐之
緒長。五快風和日麗。溫而栗。自
朝迄暮。天宇光。六快能飲者不
飲。不能飲者飲。反甚。欲就徵君
偕竹筇。欲就徵君偕石枕。七快
僕夫歸來。銳十里邨家燈火際。
瞬息不減疾羽飛。忽到南城門
未閉。

○ 南郊

人不山人。山不家。每來日出至
陽斜。一懷空翠。無能畫兩袖。幽

香○豈○盡○花○餅○插○松○枝○收○乳○鳥○硯
添○谿○水○得○纖○蝦○煙○雲○痼○疾○煙○雲
解○莫○信○靈○仙○有○藥○芽○

與客譚田居之勝

隱映山居山色妍南山之後北
山前竹非修體都嫌俗石已蒼

顏猶愛顛洗硯澄潭魚乞瀋揮
毫絕壁鳥偷牋田無苟簡無田
力何必藍田是玉田

偶用太白語起句

天生我才必有用三十以前墜
清顛雲藍之紙掃龍蛇猩紅之

毫染霜煙。以酒酌客。釀盡秣。以
茶飲客。煮盡泉。渴已消。醉欲舞。
不畏蔡倫左伯啼。但使墨狂與
筆怒。一瞬而成。匆無人懸之壁。
上前無古。興漸薄。心便猜。畱其
一。以自娛。蕩其九。爲塵埃。巷不

容軒柴門寂。扣門相訪。限蒼苔。
爭罵蒼苔。加意滑。左袒門內。一
怪魁。怪魁之怪。今已定。偶遺路
人求。不應。求不應。後不。求。拆腰
拱手謝交游。應制之書。非鳥跡。
干祿之字。但蠅頭。燒粉本。斂金

油尤物無以加六藝雜劇何必
享千秋繇來文章特達算不到
張有遣李營丘

亭子如笠大

開牕對好山罕見山全幅多是
雲來時輪蕭生異色

林間小屋

人言市上晴天到林間雨木石
同壇居幽深迷澗戶

艸閣

山外又有山朱霞起天未相思
霞際人飛鳥去空濶

幽人

幽人老大漸無情。只對山光興
自生。與影相從。窺竹影。他轂不
好飽。松轂。游魚有約。谿干坐野
鶴同歸。雲裡行。屐齒拆來長筮
在空存。瘦黑向容成。

溪路用裴

廸句起二絕

一徑通山路。舍舟恣獨行。艸廬
疑世外。雞犬發清轂。

谿路之二

扁舟出菰蒲。乍見煙波濶。綠樹
蔭樓臺。水心不可越。

○ 龜江夜泊

清○龜○無○處○不○澄○清○偏○愛○清○吟○此
處○生○兩○岼○白○沙○鳧○對○語○孤○村○黃
葉○犬○傳○聲○月○同○石○丈○松○間○出○雲
共○江○神○水○上○行○舟○外○自○牽○蓴○菜
入○虛○舟○何○物○可○調○羹

乙 亥 藥 笈 艸

○ 春 谿

紅○荳○籬○連○苦○菜○畦○春○波○綠○滿○使
天○低○菰○蒲○水○僻○魚○爭○餌○楊○柳○煙
深○鳥○亂○啼○短○櫂○輕○橈○皆○画○意○斜
風○細○雨○卽○詩○題○美○人○亦○在○滄○洲

曲欲往從之路又迷。

庭花怨雨歌

伯花天所生、一藥雨所成、甚旱
花所畏、淫雨花所驚、一庭春花
數斗雨、醉飽三日暢、花情一月
春雨庭如海、水蟲無數上花莖、

全透之花洗其色、半含之花閉
其榮、好陽之花爛其蒂、耐陰之
花腐其英、昨夜花神涉水入、衰
紅弱紫相對泣、且問羣花根何
如、羣花俱應已病溼、雨師今年
大不仁、紛蝶悶兮蜜蜂顰、紛蝶

無花粉不豔、蜜蜂無花蜜、少津、
園丁手段行、雨上灌、園疎密布、
其勻、行雨心事、田夫下漑、田濡、
燥酌其倫、往歲花上彈、啼鳥今、
季花下釣游鱗、或疑天際有處、
漏、可惜媯帝今不又、我有藉艸

石數枚、煉成五色、急補救、何愁、
爾不停屋、角濤不收、簷前雷、何、
愁、爾不散、淅瀝、穀不絕、淋漓、竇、
爾今再向青陽驕、更與白日鬪、
便不好、我歡、穀爲爾歌、祇是願、
我惡、穀爲爾咒、

○ 曉窗

山禽有意使人聞。啼徹空庭二
樹雲。碧葉餅桃王大令。金皴筆
岫李將軍。久安獨寐衾非冷。偶
寫相思硯欲焚。祇此牕前三四
嶂。雨煙與我急平分。

述愁

以詩破寂寂。仍寂將酒消愁愁。
更愁淨綠可餐。隔院竹嬌紅欲
滴。過牆榴蠅頭寫帖。何時兔蝸
角安廬無處求。人說賢王有美
祿。自知古字是乾餼。

○ 谿上佛廬

兩廊潔白一堂虛。山色溪聲古
佛居。竹筍能供求飽鼠。荷花不
礙放生魚。長齋有酒加餐易。破
衲無家乞米疎。綠帶一甌畱我
住。與僧先偕剃頭書。

谿路龜行仍用裴 廸句

起二絕

落葉無人掃。清流爲送之。丹黃
如古紙。片片寫相思。

龜行之二

鳥聲亂谿水。臨流古廟寒。神明

應顯赫翠竹自平安。

蕭齋

蕭齋直上入蕭森。龜影龜殼不
可尋。絕壁懸厓蝸跡細。長松密
檜鳥巢深。艸花交處香為界。風
雨來時墨作林。半世狂歌歌帶

泣。有心問世世無心。

乙亥雪笈艸

龜林

除去魏林與檠林。隨緣卜築愜
予心。月之將出夜將半。霜亦未
飛。龜未深。屋繞高松恬鶴夢。牕

依絕壁鬧蟲音。長齋復有調飢
病。少一山僧伴嘯吟。

龜夜水嬉

煎茶破睡任舟行。偶釣鱸魚遂
放生。山外月來山潔白。水心雲
散水空明。孤村巷寂蟲時語。古

廟松寒鳥忽鳴。只愛龜宵如雪
夜。他霄有雪欠龜殼。

張家莊梅花

梅花於我有何親。詠句之餘又
寫真。半夜月痕遲素影。一林雪
汁澹幽人。前身應是珠為債。此

世還將玉作鄰。縱使山僮能縛
帚。裴裒不忍埽香塵。

黔夫自上壽歌

我之初生戊申日。日十二時寅
最吉。星祿渺茫不可推。半生貧
賤。非坦率十五季前釋褐歸。三

台八座今可必。爾殼如黃鐘面
合如白玉。而爾如黑漆。爾目如
虎視。足合如牛行。而爾如兔疾。
爾臨池盤薄。以佐吟壇。鹵莽者
有三。爾結客攜妓。以消酒債。豪
舉者無一。兼爾不參玄。而又丕

佞佛兼爾好覓蠹而又好捫蝨
每歲梅花此際開謹閉柴門不
敢出鹹酸搯大亨伯季高歌縱
飲解縛律時也運也命也一齊
來梅蘂旣盡中邊蜜

雲笈艸詩十一首

藥笈艸詩八首

雪笈艸詩四首

墨巢集

蘭水謝焜

丙子雲笈艸

谿上春興

浮名自欲與身纏誰道玄真事
不然乳燕文禽依碧藻錦帆繡

被入青煙三叉種竹瀟湘路兩
听栽花罨画川。洗筆疾書雲水
興。臨風遙寄韻人前。

岑寂

世路孟門險。不如不交不交絕
交書白鵬好伴黔夫宿。飽鼠常

從餓佛居。瀟水無波涵月冷。屏
山有色帶雲虛。初來岑寂多清
興。岑寂相安又勝初。

蝸舍

羣山明淨見山紋。願與羣山合
作羣。蕉葉滿庭擎曉雨。荳花一

架礙龜雲。毫毛有鬼臨風送帖。
括無靈乞火焚。時埽小牕成獨
坐。煎茶七椀少人分。

張紹和攜家入山用黃幼

玄韻四絕

稱民誰似古無懷。祇此山中氣

日佳。竹馬紆迴花裡戲。忽參繡
佛到蕭齋。

攜家之二

山禽出入唱而酬。伯脈泉通逸
藻流。每到家人都臥穩。一轂長
嘯一巖龜。

攜家之三

宰相有人能救時。空潭遙謝鳳凰池。夜深坐聽淙淙籟。非竹非絃譜入詩。

攜家之四

清時大隱富文章。臺閣精神道

士裝。雨潤廣庭招拾翠。月寒小院看燒香。

蒲葵嶺外

高峰原不屬高官。只付幽人發興端。黃竹黃藤黃犬寂。白沙白水白鵝寒。笠從洞出雲猶在。屐

自頂歸露未乾。每肅衣冠登大石。又如正一到天壇。

柴關

山末有山遠入山。蒲葵關外卽柴關。紙窗聽雨清谿上。竹枕眠雲怪石間。觀物須存衰艸色。掃下鶴立危枝不易攀。

蒜嶺玄帝宮

人言此地足婆娑。幾度驅車忽忽過。路入榔梅龜樹靜。風來嶮嶮暮蟬多。玄雲宮闕紛靈氣。白

日神明儼太和。曲徑幽房花木
秀。未能應接到僧窠。

龜江

絕少人行我始行。舟行快似鳥
飛輕。雨沈衰艸無全碧。霜入高
楓有半頰。一物不來龜水冷。兩

山相對暮雲平。食貧久謝珍滋
味。話到鱸魚五內驚。

丙子藥笈艸

蘭冊四絕

石如靈龜長綠毛。小庭翠濕近
江臯。安排淨几花前坐。几上新

墨身集
抄一卷騷

畫蘭之二

北窗修竹十餘竿，綠雨瀟瀟可
藝蘭無齒女奴蓬鬢亂，幽花與
竹共平安。

畫蘭之三

半是雞楠半鹿眠，瓦盆高寄土
牆顛國香不厭貧家陋，綠葉紫
莖龜更妍。

畫蘭之四

諸花常賚古銅壺，不是花時竹
柏娛，隔舍新抽黃斗滿，願將一

朶一青蚨

題壁用輞川句起二絕

幽陰多綠苔。屐齒支其上。空谷
來斜風。落紅埽無量。

題壁之二

澗戶寂無人。時聞細艸馥靈龜。

仰而來。食氣不知縮。

縣亭

勝地蕭森耐勝游。停車坐賞值
清龜。詩塵半逐江峰散。画格全
從海樹收。煙竹有情交翠密。露
花無力展紅稠。茶香菓熟人來

少聊共僧雛對語幽。

蜀牋寫菊四種各系一絕

古寺後頽牆經年少人跡黃花
出艸間冒雨遂朝夕。

菊牋之二

所居隔空澗雞息不得度兼金

花一籬漸次開龜露。

菊牋之三

美人貽龜花葉綠而英紫貯之
古瓦餅養以清谿水。

菊牋之四

僻性好閉門山庭白日滿過龜

花始開冷素誰相伴。

寫菊自歎

天朝薦舉千三百不及煙波倦
釣客新插短籬蘭水濱手種黃
花手自摘。

沙際散步

行盡興難盡途窮水未窮。谿花
鶴髮白。岸葉雞冠紅。壘嶂舍之
北。三家籬以東。吟情兼画意。只
許幾人同。

龜情

艸堂皆墨汁。竹屋但香煙。片石

畱清福。孤峰結雅緣。悲秋今欲
老。好潔近成顛。世以君平棄。君
平豈不然。

丙子雪笈艸

客樓翫月

此身無翼忽雲端。雲去天空雪

一般。半壁晦山開。玉鏡滿簷。龜
水濯銀盤。流光千里。夢中約。對
影三人醉後看。試聽靈娥如欲
語。夜深思扣桂宮寒。

題壁又用輞川句起二絕

反景入深林。蕭齋四壁朗所思

不得晤。徘徊自幽賞。

○題壁之二

飛鳥去不窮。仰觀已明月。閉門
燒異香。移坐空庭樾。

初度

儒冠塵滿猶籠頭。不見君公澹

不求艸稿十年克。破屋抄書千
本擁高樓。天畱柳汁何時付。命
遇梅花此日稠。杞菊半籬寒更
綠。羽人豈必在丹丘。

○梅牋二絕

山庭幽絕月來遲。古榦交花相

對立。月漸到。花花影多。清歌冷
嘯踏花入。

。梅牋之二

天下名花色與香。清芬潔白梅
而已。每遇雪晴月皎時。披裘擁
被窗中起。

雲笈艸詩十一首

藥笈艸詩十四首

雪笈艸詩六首



